

Na osnovu člana 21. Statuta ASOCIJACIJE TRENERA I UČITELJA SKIJANJA BIH, ATUS BIH (u daljem tekstu ATUS BIH), Sarajevo, Titova 9a, radi praćenja trajnog osposobljavanja i stručnog usavršavanja kadrova za obavljanje stručnih poslova u skijanju i snowboard-u, Izvršni odbor ATUS-a BiH donosi

## **PRAVILNIK O ISPITNOJ KOMISIJI**

### **Član 1.**

Ovim pravilnikom određuju se način i oblast djelovanja Ispitne komisije kao i način i uslovi za izbor članova Ispitne komisije (u daljem tekstu IK).

## **RAD ISPITNE KOMISIJE**

### **Član 2.**

Zadatak IK je da sprovede teorijski dio ispita za sticanje zvanja u skijanju i snowboard-u i izvrši ocjenjivanje svih učesnika na osnovu pokazanog znanja.

### **Član 3.**

U slučaju polaganja teorijskog dijela ispita pismenim putem pomoću namjenskih testova IK vrši pregledanje testova i ocjenjivanje.

U slučaju polaganja teorijskog dijela ispita usmenim putem IK vrednovanje pokazanog znanja te u skladu sa tim daje i odgovarajuće ocjene.

### **Član 4.**

Konačna ocjena u slučaju pismenog polaganja je ocjena predstavlja srednju vrijednost ocjena svih Članova IK za dati test.

U slučaju usmenog polaganja konačna ocjena predstavlja srednju vrijednost svih ocjena dobijenih za svako ispitno pitanje.

Obrasci sa imenima i ocjenama moraju biti potpisani od strane svih članova IK.

### **Član 5.**

Svaki član IK ima pravo na nadoknadu troškova i dnevnice u skladu sa pravilima predviđenim raspisom seminara.

## **IZBOR ČLANOVA OCJENJIVAČKE KOMISIJE**

### **Član 6.**

IK je sastavljena od najmanje 3(tri) člana.

Članovi IK mogu biti samo osvjedočeni stručnjaci u oblastima bitnim za teorijski dio ispita Seminara za sticanje zvanja, koji su saglasni sa planom i programom Seminara.

**Član 7.**

U posebnim slučajevima članovi IK mogu biti i stručnjaci iz drugih zemalja.

**Član 8.**

Izbor članova IK se vrši glasanjem članova IO ATUS-a BiH. Kandidate predlaže organizaciono tijelo seminara i sami članovi IO ATUS-a BiH.

Jedan od članova IK se proglašava Predsjednikom IK.

Svi pomenuti izbori se vrše prostom većinom glasova.

**Član 9.**

Zadaci Predsjednika IK su vezani za usaglašavanje rada članova IK kao i vezu sa tehničkim vodstvom seminara u smislu protoka informacija i svođenja završnih ocjena.

**Član 10.**

U slučaju prigovora i žalbi na rad IK saziva se sastanak IK na kojem, pored članova IK, mora biti prisutan jedan predstavnik organizacionog tijela seminara i jedan član IO ATUS-a BiH.

Sastanku predsjedava Predsjednik IK.

Sve donijete odluke moraju biti predstavljene u pisanom obliku, ovjerene od strane predsjednika IK, predstavnika organizacionog tijela seminara i predstavnika IO ATUS-a BiH.

***Usvojeno na zasjedanju Konferencije ATUS-a BiH 17.decembra 2006. godine.***